

Góa Siōng Siàu-liām ê Lâng

Tiu" Chi-jiâ

Âng It-hong ū chít tiâu koa chhiùn kóng, "góa sim-lai su-bō ê lâng, lí chóaⁿ-iūⁿ lī-khui gún ê sin-piⁿ-----." Tng mûi-1-pái thiaⁿ tiôh chit tiâu koa ê sî, hiông-hiông tī sim-koanⁿ-á-té tiôh kám-kak sng-kam-tiⁿ-á sng-kam-tiⁿ! Sng..ê sî a-pah lí í-keng khì chò "sian" lóh! Tiⁿ..ê sî gún a-pah éng-óan lóng óah tī góa ê sim-lai-táu-té. Gún a-pah sî góa siōng-kài siàu-liām ê lâng lah!

1984 nî tú khai-sí ê sî, a-pah ê sin-thé chiū chin-bái chin-bái, tiānⁿ-tiānⁿ ài khì hō i-seng khòanⁿ, chù-siā, thêh ioh-á. Pún-lâi tiôh sán-thio sán-thio ê sin-châi, in-ūi phòa-pēn sòa lú-lâi lú-sán, khòanⁿ-tiôh sit-châi sî kan-khór tī sim-lai, bô kóng bô lâng chai. Kòe bô góa kú, a-pah sòa bîn-sek ñg-phi-phi, góa kóanⁿ-kín kā i sàng khì Ôan-lím 1 keng pēn-īn chò kiám-cha. Äu--lai i-seng bîn-sek bô kài hó-khòanⁿ tui lai-té kiâⁿ--chhut--lai, kā góa kóng, "bái siau-sit, lín lâu-pē sî gâm-chèng bôe-kî, chin gûi-hiám--lah." Thiaⁿ-liáu-āu ê sî-chün, chhin-chhiūnⁿ sè-kài bôat-jit hit-1-poaⁿ, mā koh chhiūnⁿ hō lûi-kong phah--tiôh kâng-khóan, sòa kui-ê-lâng gâng-gâng gōng-gōng--khì. Chū án-ne thàu-mê chê hóe-chhia koh sàng a-pah khì Tai-pak chò khah siōng-sè ê kiám-cha. Tng bú-lóng kui-mê kui-chit liáu-āu, i-seng mā sî kóng siāng-khóan ê ōe. Ài! kiám-chhái sî Thiⁿ-kong-peh--a bâk-chiu chhàng-khì-khàng, gún a-pah chiah gō-cháp-góa niâ neh, Lí sî beh kā i chio khì thiⁿ-téng chò kiâⁿ-sài, á-sî

"chò-sian" !

Ē-kì-tit góa sè-hàn ê sî, góa lóng m̄-bat hō gún a-pah hôan-ló--kòe, thák Kok-tiong it-nî ê sî, a-pah mñg góa kóng, lí thák tē-kúi-pan..ê, góa kā i kóng"tē-it-pan..ê", a-pah kóng "hó, chin-hó", chū án-ne kàu saⁿ-nî lóng thák tē-it-pan..ê, iā chiū-sî "seng-hák-pan..ê". Kok-tiong pit-giáp khó tiôh Chiong-hòa ko-tiong, pa-pa hoaⁿ-hí kah bē-kóng--tit. Gún tau ū khah sàan, tiānⁿ-tiānⁿ to bí-àng-á lóng-tin-tang, a-pah tû liáu chhian-khór bân-khór ūi tiôh pak-tó í-góa, koh ài beh hō góa kiáu chheh-chîⁿ, ták-kang chò-kang chò kah saⁿ-keⁿ-pòaⁿ-mî. Tán kàu ko-tiong pit-giáp ê sî, góa thau-thau-á khì pò-miâⁿ khó kun-hâu, siūⁿ kóng thák kun-hâu m̄-bián kiáu chheh-chîⁿ, a-pah mā bián koh ūi tiôh chheh-chîⁿ kā lâng chhun tñg-té-chhiú. Tī kun-tiong hók-bü jî-cháp-kúi-tang, chit-má iā thè-ngó--ah, m̄-kú a-pah mā tī thiⁿ-téng tòa cháp-peh-tang-góa lóh!

Gún a-pah chin gâu kóng Tai-ôan-oe, m̄-nâ sî siök-gí , giát-kiat-á-oe, á-sî Tai-ôan-kó , i lóng ū nñg-pō-chhit--a. I nâ-sî iáu koh tī teh, i chiū-sî góa 1 pún óah-jî-tián, mā sî góa siōng-kài-chán ê ló-su. Taⁿ chit-má góa í-keng sî 3 ê gín-á ê lâu-pê--ah, thian-hâ pê-bú-sim, tng kiän-nâ khòanⁿ-tiôh gín-á ê sî, to ē khì siūⁿ tiôh a-pah, kah ná sî chiok sêng a-pah tī thiⁿ-téng teh khòanⁿ--góa sio-siâng. Kiám-chhái kóng gín-á sî chit-bîn su-chhin-kiâⁿ, tui kiâⁿ lai-té só khòanⁿ--tiôh..ê sî gún a-pah, m̄-sî góa neh!